

PADU A HAYA UN BUNITA "SUPRISE HAPPY BIRTHDAY PARTY"..

Texto y foto: Poets

DEN AMBIENTE

formidable cuarteto juvenil ta haci nan debut.

POLYMNIA TA ESTRENA CU UN TREMENDO SALSA PA MAMA..



**** Aki por aprecia e cuarteto di POLYMNIA, Mayra Werleman (Rock), Ruthlin Werleman (Angel), Lorene Flores (Peace) y Ivana Werleman (Sport)..**

**** Durante siman pasa Aruba a sera conoci cu un tremendo cuarteto juvenil bao di e nomber POLYMNIA. E cuarteto aki ta forma pa: Mayra Werleman (Rock), Ruthlin Werleman (Angel), Lorene Flores (Peace) y Ivana Werleman (Sport).**

Mester bisa cu ainda nan no a debuta oficialmente dilanti un publico, pero esaki lo bay ta muy pronto anto den un forma unico.

Prome cu nan a sali riba mercado, nan a sa di prepara nan mes den un forma profesional cu lansamento di nan prome produccion di un tremendo salsa pa Mama, cual ta hiba como titulo "UN SALSA PA MAMA".

Dianson ultimo durante e programa di bosnan humilde sirbidor aki na Cristal FM entre 5'or pa 7'or di atardi, e grupo aki a estrena e bunita cancion aki. Sinceramente mester bisa cu ta trata di un tremendísimo cancion cu sigur merece su éxito den e dianan aki na caminda pa e dia di mas bunita di henter aña cual ta DIA DI MAMA.

E cancion aki ta uno alegre y masha pegasoso riba e ritmo di salsa y interpreta den un forma estupendo pa e cuarteto juvenil. E produccion aki ta conta cu un

respaldo musical hopi profesional realiza pa nos top musiconan manera: Jossy Herrera (compositor), Robert Jeand'or (arreglista/bajo), John Tromp (percussion), Hilward Croes (piano), Felix "Wiw" Pina (director musical/guitar). E grabacion aki a ser realiza den Watapana Recording Studio, na unda como techniconan di estudio a fungi; Robert Jeand'or, Efi Thiel y Emile Kelkboom.

Manager di e grupo aki a Lorenzo Flores, kende a relaciona DEN AMBIENTE e siguiente cancion di e nomber POLYMNIA, cual ta; Diosa rico na canto di Mitologia Griego ta inspiracion. E prome inspiracion ta un bunita cancion di salsa dedica na nos Mamaman.

Na e ocasion aki Polymnia kier a mansa palabranan di danki na tur cu a yuda y tabatin hopi pasenshi cu nan, pa awe orgullosamente nan por presenta nan prome produccion "Un Salsa pa Mama".

Un danki special ta bay pa famai Pina pa tur e oranan cu a permiti nan ensaya nan nan residencia.


DEN AMBIENTE ta desea e fantástico POLYMNIA hopi pero hopi EXITO..



**** Aki por aprecia Prome Minister Henny Eman, Minister Tico Croes hunto cu nan dos coordinador den compania di Padu del Caribe..**



**** Di e forma aki exactamente 12'or di mei anochi, Padu del Caribe a haya su bunita sorpresa...**



**** Padu a haya un bunita serenata cual a ser anima musicalmente pa Ebby Peterson riba wiri, Doedel Sophia riba cuarta y Lidwina Booi riba guitarra.**



**** Chichi Peralta hunto cu su manager Salvador Urdanavita, Fernando Beltran di Caiman Records, su dos cantantenan Jandy y Rene tambe tabata presente na e fiesta di sopresa di Padu del Caribe..**